



# ARUBAANSE COURANT

## DIARIO ARUBANO

REDACCION Y SUBSCRIPCION TEL: 2116  
MANAGEMENT Y ANUNCIO TEL: 1116  
MANAGER: E. WOUTERS

DIAMARS 22 DI FEBRUARI 1966

EDITA PA: ARUBAANSE DRUKKERIJ, UITGEVERS  
& PUBLICITEITS MIJ N.V.  
IMPRIMI PA: DRUKKERIJ "DE STAD"

# EXPLORACION PA ZETA A CUMINSA

ORANJESTAD - E bapor "Sorfold" especialmente construi pa haci investigacion ariba tereno di exploracion di azeta bao tera y lamar, fin di siman pasa a cuminsa cu su investigacionnan den becindario di Aruba. E investigacion ta worde haci ariba encargo di Mobil Oil door di Geophysical Service Inc. cual ta para bao di direccion di senjor Robert Y. Stair, mientras cu senjor Arthur Schults ta tuma parti na e exploracion como geologo pa Mobil Oil.

### SISTEMA DI TRAHA

E sistema cu ta worde usa pa "Sorfold" pa haci investigacion ta como lo siguiente.

Sorfold ta lastra un kabel di construccion special cual tin un largura di un milla su tras. E kabel aki ta en conexion cu un aparato special cu ta drief.

Na e kabel tin ariba varios distancia aparatonan cu ta ricibi sonido. Cualnan ta en conexion cu un aparato di registracion na bordo di e bapor. Mientras cu e bapor ta nabega explosivonan ta worde bula ariba cierto momento no mucho leuw di e bapor directamente bao di e superficie di lamar.

E sondanan cu resulta door di e explosionnan aki ta transporta nan mes door di awa y e partinan di tera bao di dje y nan ta worde rebolbi. E sonidonan aki, esta e echo cu ta resulta despues di e explosion ta worde ricibi pa e aparatonan di recepcion

y transmiti pa e aparato di registracion na bordo di e bapor.

E registracion aki ta worde poni ariba un tape magnetico. For di e registracion aki e expertonan por hanja sabi con e suela ta forma, esta kiko tin bao di e suela. Na lugarnan caminda por mustra cu tin posibilidad cu tin azeta, nan por haci un investigacion mas detalla. En principal e biaha aki ta un investigacion sin detalle lo tuma lugar entre e parti sur-este y este di Aruba na un distancia di cinco pa diez-cinco milla for di e isla.

Botonan di piscador ta worde avisa pa no pasa pega cu Sorfold of preta su tras, pero pa keda tras di e aparato cu ta drief y cu Sorfold ta lastra cual ta parse un boel hopi.

E piscadornan ta worde segura cu e uso di explosionnan lo tuma lugar directamente bao di superficie di lamar di tal manera cu no tin peliger of casi nada peliger cu piscanan lo worde mata.



YUCATA, MEXICO: Prinses Margareta di Dinamarca a bishita e ruinan an antiguo di e ciudad Maya na Uxmal y aki ta sacando pellicula di e escenario aki, qu ta birando poco a poco un jungle. - UPI-Radiophoto -

## Joe Cowboy su zoo na bringamosa ta hayando fama

BRINGAMOSA - Apesar cu no ta conoci pa tur hende na Aruba ainda, sin embargo ta basta tempo caba cu Aruba tin un atraccion especial den forma di un zoo cu hopi sorto di besta y parhanan stranjo for di otro partinan di mundo. E zoo aki ta keda na Bringamosa banda di Franse Pas na Santa Cruz. Den Barcadera News di Aruba Chemical Company caminda e donjo y dirigente di e zoo Jose Kock kende ta mas conoci como Joe Cowboy, nos por a lesa un articulo interesante tocante esaki.

Joe Cowboy, kende ta worde yama asina carinosamente pa su gran interes pa cabalnan y peticulanen di cowboy, a transforma su estimacion pa bestia den un hobby cual alfin alcabo a hanja e forma di un zoo, door di e tanto bestianan cu ya e ta cuida rond di su cas na Bringamosa.

E bestianan y parhanan aki el a importa for di exterior y den su tempo liber Joe Cowboy y su senjora ta dedica hopi tempo y sacrificio na cuida y mantene e bestianan.

Entretanto senjor Kock ta corresponde regularmente cu personanan den otro partinan di mundo, caminda e ta busca ofertanan pa otro bestianan y parhanan stranjo pa agrega na su coleccion cu ya e tin caba.

Tur hende ta bonbini pa bishita e zoo na Bringamosa. Te na e momento e entrada ta completamente liber.

Solamente senjor Kock a pone un caha na porta pa esnan cu ta hiba di gana, kendenan despues di a bishita e zoo kler duna algo pa yuda senjor Kock cu e mantencion di e bestianan y alavez haci e coleccion mas grandi. Endudablemente e zoo na Bringamosa pronto lo hanja mas nomber ora cu mas bestianan worde agrega aserca y e mayornan sinja conoce cu aki tin un bunita pasa tempo y alavez instructivo pa nan mes y especialmente e muchanan cu lo gusta e macaconan y parhanan masha.

## HAROLD WILSON A BAI MOSCU

LONDRES -- UPI -- Prome minister Harold Wilson a bai Moscu awe pa mantene conversacionnan completamente frances cu e gobernante soviético tocante e problemanan mundial di actualidad, manera e guerra na Vietnam, a pesar di e desacuerdo cu ta existi entre Kremlin y Gran Bretaña den e sentido aki.

Ora el a sali, Wilson, a bisa na aeropuerto cu "e ta considera

esencial cu e gobernante di diferente pais ta reuni, aunque tin gran desacuerdo entre nan".

Paplando riba e conflicto di Vietnam, el a señala cu Union Sovietica conoce e posicion britanica al respecto y cu Gran Bretaña conoce esun di Moscu tambe.

El a añadi cu lo e sigi tuma iniciativa y mantene conversacionnan, cu e fin di logra cu negociacionnan di paz ser establece.


Ta ser entendi cu Wilson lo trata di logra pa gobierno soviético accede na bolbe convoca e conferencia di Ginebra cu a tuma decisionnan final riba distribucion y neutralizacion di loke ta-

bata Indochina frances. E convocatoria aki lo ta oportuno na e momentonan aki pa propicia paz na Vietnam.

Wilson lo cumpli su di 14 bishita na Moscu pero lo ta prome bez cu lo e bai capital soviética den caracter di prome minister.

"Mi kier discuti cu nan, cu absoluta franqueza, algun di e gran problemanan -- e medianan di alivia tensionnan entre este y oeste, e conflicto di Vietnam, y loke nos por hasi pa evita multiplicacion di armanan nuclear", Wilson a expresa.

**FATUM**  
Pa tur bo asegurado  
Tel. 1845



### "PINK SALMON"

Libby's  
ta e salmon cu tur hende di bon smaak ta preferá..... pa su sabor unico y sabrosísimo..... P' esey pa e dianan venidero percurá pa bo tin "Pink Salmon"  
Libby's

## NORMA VROLIJK REINA DI ARUBA CARIBBEAN HOTEL CASINO

PALM BEACH - Durante di un show bon prepara y coordina den Klompen Klub di Aruba Caribbean Hotel, senjorita Norma Vrolijk reina di Conny Francis Teeners di Santa Cruz a worde escohi diabierna anochi entre cinco candidata como reina di Aruba Caribbean Hotel.

E jurado consistiendo di turistanan Mericano a duna senjorita Norma Vrolijk di Santa Cruz e corona di reina di e hotel. E coronacion a worde efectua pa senjor Henry Steeber e manager di Aruba Caribbean Hotel. El a gradici e participantenan y a bisa "E bellezanan di Aruba a worde representa e anochi aki no pa cantidad pero pa calidad. Maestro di ceremonia kende a haci un bon papel e anochi tabata miembro di Comité Central di Carnaval senjor Geechi Pieters.

Despues di esaki tabatin un baile di mascarada.



# CHINA LO SIGUI APOYA CASTRO NO OBSTANTE SU ACUSACIONNAN

TOKIO -- UPI--China Comunista a nenga awe cu e ta bai retira su respaldo na regimen comunista di Cuba, bisando, cu e hecho cu e prome ministro Cubano Fidel Castro a suma na coro anti-chino, no tabatin muchu importancia.

E declaracion aqui a ser hací pa agencianan di noticia "Nueva China" den un transmision cu a ser tumá aquí ayera nochi.

Pekin tambe a anuncia cu e edicion di 22 dje luna ei dje organo oficial, "El diario del pueblo", a publica e tecto integro dje discurso cu a ser pronuncia pa Castro dia 6 di e luna aquí, den cual el a denuncia cu China Comunista no tabata cumpliendo su com promiso comercial contracta pa importacion di sucu na Cuba.

Den un nota di redaccion e contesta di Pekin tabata splica, asina e transmision a bisa.

"China a duna y lo sigui duna e apoyo priminti na pueblo Cubano den su lucha contra agresion di imperialismo norteamericano y na defensa di frutonan di su revolucion", asina e emisora a bisa.

Tambe e transmision a bisa cu semper China a duna respaldo na doctrina cu tur nacionnan ta igual, no obstante su tamanjo y cu Cuba no ta un excepcional na tal convencimientonan.

Un gran nacion no mester farronea dilanti un otro nacion chiquitu", asina e articulo a afirma. Y ta p'esei China Comunista a evita na lanza un contraataque verbal contra Fidel Castro.

Prom' ministro Castro a bai masha leu riba caminda di oposicion contra China Comunista, asina e emisora a bisa. Y pueblo ta spera di mira con leu ain-

da e ta dispuesto na sigui bai.

Luego el a destaca e hecho, cu gobierno comunista di China ainda no a duna contesta diplomatica formal na e declaracionnan di Castro. "Nos ta reserva nos e derecho di haci esei", e locutor a agrega. Pero no a menciona ainda e momento den cual tal contesta lo ser duná of cu esei ya tabata na preparacion.

Emisora di Pekin a bisa cu e kestion di exportacionnan di arroz pa Cuba ya caba a ser contesta pa un funcionario no-identifica di ministerio di comercio exterior, dia 9 y 30 di Januari, en comunicacion di pone na relevie hechonan importante.

N'e mes tempu cu e no por desvirtua e hechonan ei, prome ministro a culpa Castro arbitrariamente na China pa grave dificultadnan cu Cuba a contra cuné den campo economico. E manera aquí di descarga culpanan na otro pais ta leu di ta inteligente, asina e comentario di "Diario del Pueblo", a bisa.

Pa e motibu ei con ta posibel cu algun hende por difama China socialista, cu semper a cumpli cu su obligacionnan internacional y a apoya pueblo Cubano na hopi manera, capacitando e nacion aquí na enfrenta imperialismo.... esaki ta resultado di consehonan duna? Cualnan ta corresponde na culpa Chinesnan",

NOBO NOBO NOBO  
NASSAUSTRAT 34

Nos a caba di ricibi Cotton Linnens, algo nobo pa e temporada aki, cu disenjos masha bunita. Tela pa cortina for di Hulanda den color liso, tambe pa furamento. Tela Tweed pa two-piece. Katuna Shantique algo nobol E luna aki tin Baratillo di inventario cu rebaha te di 50%.

Contesta dje acusacion China Roja na Castro, di cu e isla a ser inundá cu material impreso y otro medianan di propaganda, a haci realiza cu di un manera franco y abierto sin manlobranan oculta. asina e comentario transmiti pa radio Pekin a bisa.

## PIETER BOERSCHOOL TA ORGANISA FIESTA

SAN NICOLAS - Awe nochi pa sietor e alumnonan di Commandeur Pieterboerschool lo percura pa un anochi di fiesta, pa cual e majornan di e alumnonan di school ta invita. E anochi lo worde teni den John Wesley Auditorium.

Alavez mayan a tardi e presentacion lo worde duna pa e alumnonan di school. Esaki lo ta entre dos or y cuator di atardi.

Alavez e presentacion pa e muchanan di school lo ta e repiticion general di e programa cual ta consisti di canto, baile, y comedia.



## ELECCION PA STATEN KIESKRING ARUBA

President di Hoofdstembureau di Kieskring Aruba ta anuncia pa medio di esaki cu dia 21 di maart 1966 di 9' or ki mainta te 4' or di atardi listanan di candidatons pa eleccion di Staten di Antillas Hulandes lo por worde entregá cerca e miembro di Hoofdstembureau, sr. I.S. de Cuba, na Oficina di Censo, J.G. Emanstraat 39.

Formulario pa e listanan mencioná y pa e declaracionnan, cu mester bai huntu cu e lista, ta obtenible gratuitamente na e Oficina mencioná.

President di Hoofdstembureau  
O.S. HENRIQUEZ.



## TERRITORIO INSULAR DI ARUBA

pa medio di esaki capitanan y donjonan di boto ta worde avisá cu e bapor "Sorfold" lo efectua trabaunan di exploracion den awanan pa zuid y pabau di Aruba. Durante e investigacion aki e bapor lo hala un kabel su tras cu un largura di un milla. Na punta di e kabel tin un vlot. Tur persona ta worde pidí pa no cruza muchu cerca dilanti di e bapor "Sorfold", ni tampoco cruza e kabel ora nan pasa patras di e bapor. Durante e trabaunan di eploracion lo worde hací uso di explosivos.

ORANJESTAD - Na ocasion di e di 75 anja di existencia di un compania di biahe Hulandes como 75 Hulandes cu ta gusta biahalo haci un bishita na Aruba tambe. Pa esaki ya kambarnan a worde reserva na Hotel Strand. En coneccion cu e echo cu e hotel aki ta yegando den su ultimo

fase di construccion, e directiva di e hotel tin intencion di laga e apertura oficial di e hotel cai huntu cu e bishita di e Hulandesnan pa asina nan sinja conoce e comunidad di Aruba.

Probablemente esaki lo tuma lugar na luna di april entrante.

## GRADICIMENTO

Pa medio di esaki nos kier gradici zusternan Michaëla y Delaney, tambe na tur familia-amigo, bisinja y conocirnan cu a muestra nan atencion durante enfermedad y entiero di nos inolvidable esposo, tata, suegro y ruman

## THOMAS FARO

KENE A FALLECE DIA \* Februari 1966.  
Cu a sosega na pas.  
Sra. vda. Emilia Faro y juanan.  
Fam. Medina  
Fam. Riddestaat  
Fam. Faro y Giel.

## IN MEMORIAM

T abata un dia tristo pa  
H enter bo familia nan  
O ra tata tan stima  
M erdia ora bo a fallece  
A ta nos awor aki  
S in hende pa consola nos

F or di awe nos tur lo keda recorda bo  
A unke mes bo no ta ey mas  
R ecordamento tur dia bai  
O h, nos tata stima sosega na paz

## CARNAVAL MAS GRANDI DI ARUBA A TRECE MAS DI 20 MIL HENDE RIBA CAYA

ORANJESTAD - E animacion pa carnaval 1966 a surpasa tur anjanan anterior, principalmente e entusiasmo cu a reina diadomingo atardi pa e grandioso parada den e cayanen di Oranjestad. Segun calculonan e caravana consistiendo di carosanan y gruponan na pia lo mester tabatin un largura di cinco kilometer. Carnaval 1966 tabata tambe esun mas coordina cu Aruba a conoce den diezdos anjanan cu e ta worde celebra aki. A pesar di un accidente na cuminsamento di e parada, ora cu srta. Ankie Bruin, reina juvenil di Aruba y di Tivoli Club a worde lesiona riba su carosa y mester a worde hospitaliza, e pueblo despues a celebra un carnaval alegre y trunkil.

E pronosticacionnan tabata cu e parada na Oranjestad e anja aki lo ta mas grandi cu nunca antes cu tabata existi. E intencion serio pa haci e carnaval na Aruba ocupa e di dos lugar na mundo denter di un tempo corto. Si esaki no a sosode ainda, en todo caso no ta falta muchu mas.

A pesar cu e anja aki tabatin mas carosa cu anjanan pasa, tog tabata parce cu no tabata asina, debi na e gruponan grandi na pia cu a resulta mas grandi e anja aki.

### ACCIDENTENAN Y INCIDENTE-NAN

Ora tin hopi hende asina riba pia, semper por spera un of otro accidente e incidentenan. Na cuminsamento di e parada un accidente a tuma lugar, cu pa un rato a tira un sombra scur riba e celebracion. E reina di carnaval juvenil y di Aruba Tivoli Club, srta. Ankie Bruin,

na momento cu ya e tabata riba e carosa, a ser molestia pa un of otro aparato cu tabata drenta e carosa y a worde herida na su lomba. El a ser transporta pa hospital cu heridanan basta serio. Un portugues bendedo di ice-cream a hanja un mokete den su cara y su lip a worde kibra, ora cu algun tipo a come su ice-cream y a probecha di e multitud rond di e portugues pa bai sin paga. Den un hotel, dos dama a bringa cu otro y un di nan a dal e otro un botter yen di tomato Catsup riba su cabez causando un cortá di tres centimeter.

### RESULTADO

Ta comprendible cu en vista di un parada asina grandi, ta difícil pa tur cos sosode impecablemente. De vez en cuando tabatin algun espacio habri den e parada, pero cualnan no tabata mes grandi cu e anjanan anterior.

Cada hende, sin embargo, a haci lo posible pa haci e parada mihor pa loke ta trata di calidad.

Ta di spera cu den anjanan venidero lo tin mas oficianan pa paga-tino riba e parada y evita espacionan grandi. E anja aki tabatin mucho poco oficials pa haci e trabao aki.

Na final di e parada, un multitud enorme a reuni dilanti restaurant Trocadero pa spera e resultado. Como grupo di anja, a sali "Underwater Fantasy" di San Nicolas. E grupo aki merecidamente a merece e titulo aki, debi na e molesternan grandi pa por a trece un grupo asina bunita riba pia. Casi doscien persona tabatin scamanan di pisca color di oro y plata riba nan curpa y riba nan cabez y den mannan, tabatin otro obhetonan cu por ser hanja den fondo di laman.

Resto di e resultado tabata lo siguiente:

Grupo historico: Aruba Tivoli Club; Grupo original: Underwater-Fantasy; grupo Comico: Red Devils; grupo comercial: The Mighty Atoms; grupo lujoso: Caribe Club. Carosanan: The Roman di Tivoli; Original: Indjan di Caribe; Comico: My Fair Lady di Cactuss Inn Hotel; Comercial: La Esperanza, Lujoso: Estrella Club. Individual: Historico: Queen of Kaduki di Club Bonaire; Original: Gemini 4; Comico: "Ticket Seller; Comercial: Su-tai chicken farm; lujoso: The regal fantasy.

Carosa di anja: Joyita di Tivoli; steelband di anja: Aruba Invaders Premio especial: E paddestoelen; premio di consuelo: Verkade; nombracion especial: Kiwanis Milkathon.





Den centro nos por mira e carosa di Gwendolyne Fowler reina di Club Caribe y di Aruba, durante e parada grandi na Oranjestad. Den e dianan aki lo bini mas foto di e parada.





# Celebracion di Carnaval na Cors





W





# DE GAULLE A ACUSA MINISTRO MARROQUES DI ASESINATO

PARIS -- UPI -- Presidente Charles de Gaulle awe a causa directamente e minister di interior di Marruecos di a organisá secuestro y presunto asesinato di e dirigente opositor marroqui Mehdi Ben Barka.

Den su prome conferencia di prensa desde cu el a ser reeligi, De Gaulle a afirma cu e alto funcionario marroqui, general Mohammed Oufkir, tabata personalmente responsabel di e secuestro, cu a tuma lugar na e capital aki na Oktober ultimo.

E presidente a agrega cu e relacionnan entre ambos nacion logicamente mester sufri e consecucionan di e actitud di Marruecos, cu ta mantene Oufkir den su alto cargo.

Ora el a inicia e reunion di prensa, celebra den palacio di Eliseo, e presidente a afirma cu e comicionan di 19 di December ultimo, ora el a ser consagra pa un periodo nobo di shete aña, a representa un eleccion entre un terrible confusion y e republica nobo.

QUEBEC -- UPI -- Teniente gobernador di Quebec, Paul Comtois, a muri awe marduga di un incendio cu a destrui su residencia oficial aqui. Su esposa y su yiu muher Mireille a ser conduci pa hospital, asina poliznan provincial di Quebec a informa.

Nan ta quere cu Mireille a queda mal quima ora cu e quier a yuda paga e incendio di su tata, di su tata.

El a sostene cu na e ocasion ey, ora el a obtene menos di 55 porciento di e votonan frente e candidato izquierdista Francois Mitterrand, "pa prome bez den casi 100 aña tabatin un mayoria cla y positivo na favor di un politica cu ta cla y positivo den tur esfera".

E gobernante di 75 aña di edad, tabatin su acostumbrado traje cruza di color scur, ora el a comparece ante un millar di invitadonan especial, entre cualnan tabatin 500 periodista, y na algun momento su boz tabata parece cansa.

Den referencia evidente na e eleccionnan parlamentaria di 1967, e prome mandatario a reclama un mayoria mas numeroso pa e "nucleo grandi y poderoso, di e republica nobo, cu den actualidad mi ta dirigi y cu despues lo ser dirigi pa mi sucesornan".

Cu e mayoria ey -- el a agrega -- Francia por alenta speransanan y actua".

Despues di a trata e problema politico, De Gaulle a referi na e caso Ben Barka.

Ora un hende a puntra e presidente pakiko e pais no a ser informá di e asunto prome cu e eleccionnan presidencial di December, De Gaulle a contesta bau di harimentu di e asistentenan: "Tabata un consecuencia di mi falta di experlencia".

A continuacion e mandatario a afirma cu Oufkir, "cu den varios ocasion a enfrenta grave di-

ficultadnan interna", a organisa desaparicion di suela frances di e caudillo opositor, contando cu complicidad di funcionarionan frances y "delincuentenan recluta aki".

El a sostene cu e gobierno marroqui no a hasi nada, a pesar di e pedidanan di Paris, pa aclara e asunto, pero el a descarta e posibilidad di cu alto funcionarionan frances tabata complicia.

"Pa parti frances -- el a afirma -- sin prehusga riba e resultadonan di e investigacion prolonga y ciudadano di autoridadnan hudicial, por bisa cu loke a sosode a tuma lugar riba un plano inferior y suborbiná".

El a agrega cu finalidad di e secuestro tabata di reuni Ben Barka y Oufkir y el a reconoce cu un informante di polis frances a prepara e reunion ey, sin cu su superior a informa oficialmente riba e hecho.

E presidente a subraya, sin embargo, cu "nada, absolutamente nada ta indica, cu e servicionan di contra espionaje y polis, manera tal, tabatin conocimiento di e operacion y a ocultá esaki".

"Di awor en adelante -- el a insisti -- husticia lo sigi su curso sin hanja ningun obstaculo".



CANBERRA, AUSTRALIA: Vice presidente Hubert Humphrey, na man robes, aki ta conferenciando cu promer minister di Australia Harold Holt, tocante e ayudo economico y militar pa Asia. Humphrey a bini Australia for di India en busca di apoyo pa e politica mericana contra e agresion di China Comunista. -Radiophoto UPI-

## Minister di relacionnan exterior boliviano na Paris

PARIS--UPI--Minister di relacionnan exterior di Bolivia, coronel Joaquín Zenteno-Anaya, lo conferencia diarazon cu su colega frances, Maurice Couve de Murville.

Zenteno-Anaya, cu a yega aki a yera den e segunda etapa di un gira pa Europa, a reuni awe cu su ex-compañeronan di school di estado mayor general frances cu el a conoce como estudiante 15 aña pasá.

E minister boliviano lo entrevisita maña cu e secretario di comercio exterior di Francia, Charles de Chambrun, pa trata di e

extension di comercio entre e dos paisnan y tambe un posible convenio di cooperacion economica entre ambos. Tambe lo e bishita e fabrica di glas di Saint Gobain y lo e asisti anochi na un recepcion cu lo ser ofrecé pa embahada boliviana na Casa de America Latina.

Despues di conferencia diarazon cu Couve de Murville Zenteno-Anaya lo ser invitá pa almorsa den ministerio frances di relacionnan exterior. E anochi ey e cuerpo diplomático latinoamericano lo duna un otro recepcion na su honor, na Casa de America Latina.

## SEGUN DIPLOMATICO CANADIENSE :

# Estados Unidos ta spera di convoca China comunista den confrontacion na Asia

TORONTO -- UPI -- Un exmiembro di e cuerpo diplomático canadiense a revela ayera nochi cu, durante su mision di un aña na Vietnam, fuentenan destaca a asegurele cu Estados Unidos ta spera di provoca China Comunista un confrontacion habri den sudeste di Asia.

John Powell, empleado di e departamento canadiense di asuntunan exterior, a manifesta cu separa, dos persona di alta posicion na Saigon a afirméle cu e fuerzanan norteamericana lo lanza finalmente un invasion en ma-

sa contra Vietnam del Norte.

Powell a renuncia na e servicio exterior na luna di December "pa razonnan economica" e debi na cu "mi consciencia lo no permitimi sigi warda silencio riba loke mi sa".

Segun Powell un di su fuentenan informante tabata un coronel norteamericano cu a bisele cu Estados Unidos lo bombardea e instalacionnan nuclear di China si e pais comunista aki interviene den e plannan di invasion contra Vietnam del Norte.

Ora nan a puntrele si tal expresionnan no ta constitui mas bien un opinion di su fuentenan, cu un informacion concreta, Powell a bisa cu e informantenan no tabata duda di cu e militar nan norteamericano tabatin un plan di ataque prepara pa e momento cu extension di e guerra yega na un cierto punto.

Tal plannan no tabata inclui ataquenan contra Vietnam del Norte desde Thailandia y a traves di Corea y Formosa contra China Continental.

El a señala cu e trabaunan di e ingenieronan coreano y e movimientonan di trupanan di Vietnam del Sur tabata apoya su conviccion di cu tardi of tempran lo ser intenta pa bombardea e instalacionnan nuclear di China.

Powell a bisa cu e ingenieronan aparentemente tabata traha na construccion di caminda, pero cu en realidad nan tabata lanta edificionan pa aloja trupanan y warda armamentonan cu lo ser utilisa den e invasion.

Powell a formula e denuncia aki den un conferencia publica riba papel di Canada en relacion cu e guerra di Vietnam y despues el a amplia e conceptonan den un conversacion telefonica cu un representante di United Press.

Un vocero di e departamento di asuntunan exterior a bisa cu Powell a forma parti di e ramo administrativo di e comision internacional di control na Vietnam for di Mei di 1964 pa Mei 1965 y cu el a retira di servicio pa un cuestion di ascenso.



LOS ANGELES, CALIFORNIA: Un empleado di Aduana norteamericana aki ta vigilando loque autoridadnan ta considera e pakke di marihuana mas grandi cu nan a yega di confisca den historia di Merca. Nan a hafia 514 pakke qu ta pisa 1050 liber qu tabata den un truck den cayanan di Pasadena. Tres persona a ser detené en relacion cu e hallazgo aki.

## TORNEO DOBLE MASCULINO DI TENNIS CSC

WILLEMSTAD -- E torneo di doble masculino organiza pa CSC a ser continua pa un paar di wega atractiva durante e weekend cu a termina, pa cual tabata existi bon interes. Manera ta conoci ta solamente balanan spalding ta ser usa na e weganan aki, mientras e umpirenan a ser nombra pa e clubnan cu ta participa den e torneo.

CSC tabatin e gesto simpatico aki di riba un premio denter di tur e umpirenan aki cu a haci nan debe.

E resultado ta lo siguiente: Piso/Breinburg - Thomas Estamista 6-0, 6-0; Easton/v.d. Kwast - Charles-de Souza 6-2, 6-3; Jas/Salas jr - de Palm/Hoyer

6-1, 8-6; de Leeuw/Els-Pinedo/Stein 6-0, 6-1; Ponson de Jongh Jr - Maynard/de Vries 6-0, 6-1; Niessink/Lim - Arvelo/Regales 6-1, 6-4; Lourens/Krips - d. C. Gomez/Luckman 6-2, 6-0; Broer/Salas - Hilhorst/v.d. Braber 6-4, 6-4; Rosberg/Calvo - Schaardenburg/v. Dijk 6-2, 6-4; Anderson/

Haseth - Been de Langen gew. bij de fault; Piso/Breinburg - Boom/Tromp 6-2, 6-2; Jas/Salas jr - Easton/v.d. Kwast 6-0, 6-1; Ponson de Jongh - De Leeuw/Els 6-1, 6-1; Lourens/Krips-Niessink/Lim 6-4, 6-4; Rosberg/Calvo - Broer/Salas Sr. 10-8, 6-3; v. Eyma/Pereira - Martina/Felipa 6-2, 6-3; Bennett/Flores - Rooi/Rodriguez 6-0, 6-2.



# Eva Smith den Televisier riba situacion na Corsow: Solo, dollar y miseria tras di kouwchi di galina

WILLEMSTAD--Recientemente e redactora di e revista Hulandes Eva Smit, a bishita Antillas Neerlandes y den un serie di articulo a publica su impresionnan.

Nos ta haña loque e periodista aki a scirbi interesante, no pa contenido di su articulo qu talbes pa Hulandesnan ta sensacional y interesante lectura pa sinta lesa anochi dilanti di kachel, sino mas bien pa e hecho cu aparentemente e muher aki a mira tur loque ta parse menos bon riba nos isla y a negligisha por completo di scirbi riba e cosnan bunita qu Antillas ta ofrece.

Bao di e titulo "Zon, dollars en ellende achter kippegaas", Eva Smit ta scirbi principalmente riba Campo Alegre, un tiki riba turistanan, Jan y Cocky van Oost y hendenan di "koonookoo." (E ultimo aki ta nos koenoekoe). En total ocho foto ta ilustra e impresionnan qu Eva Smit a haña di nos isla y exactamente mitar di e total aki ta fotonan di Campo Alegre.

Aparentemente e topico aki a fascina e autora fantasticamente

Eva Smit: "Cabritu, homber y muher ta biba na Campo Alegre, e campo caminda prostitutonan por hasi negoshi pa binti florin pa ora durante 24 ora pa dia den castanan qu a ser construi espectralmente pa e fin aki".

Ahan, e fotonan qu ta ilustra e articulo a ser provee pa Fred Fischer y Jan van Oost, di quende e periodista ta bisa qu mala lenganan riba e islanan ta bisa qu e ta e unico homber riba Cor-

sow qu ta laga su muher mantenele....

Turistanan mericano a bira legendario na Corsow. Mayoria di blaha ta trata di hendenan qu a alcansa edadnan avansa y quendenan ta hasi e viahe, siguiendo e lema: Do the Caribbean! Segun Eva Smit, e turistanan aki ta gasta centenares di dollar riba nos isla, di cual mayoria ta bai den cahanan di e firma Spritzer and Fuhrmann, qu na Corsow so tin dies sucursal.

Un cos qu Eva Smit ta haña basta fastioso ta qu Corsow ta completamente influencia pa turistanan y qu un sandwich ta costa 4 florin! Aparentemente ta e lugarnan mas caru e periodista a bishita pa come un pan cu keeshi.

Na Corsow tur hende ta papia cuenta di beach y coat segun Eva Smit qu ta haña qu nos ta mas mericano qu na Merca mientras qu di otro banda nos ta asina "kleinburgerlijk" qu un bourgeois Hulandes ta sintiele un Bo-

hemien aki na Corsow.

A continuacion nos lo cita algun fragmento for di e articulo di Eva Smit, quende a combersa hopi cu Erik Zielinski (redactor di Vitó: Red.)

Zielinski: "Mi ta haña bon si boso kier scirbi riba Corsow y si boso kier scirbi riba corrupcion y pobresa o.k. No por nenga esaki, pero si un extranjero qu no sa di nada y ta sintá dushi di dje dilanti di kachel di antemano ta dicidi di bai scirbi riba pobresa y corrupcion sensacionalmente, anto mi ta contra. Di e manera aki e no ta papia na e cosnan bon y bunita".

E foto qu Eva Smit a publica den Televisier, el a "kita" for di Erik Zielinski, quende no kier a dunela e foto pasobra "señor Bakhuis a primintiele di cuminsa un bida nobo. Sin e prostitutan qu ta produci mas o menos diesmil florin diariamente..."

Zielinski: "Na Corsow tur hende sabi kiko Bakhuis ta hasi y cualquier elemento gangsteril di Amsterdam lo lembe su dede pa hañele den un posicion asina. E "gajes" qu ta bai Campo Alegre, ta haña un campo grandi, rond di prikkelraad.

Tras di e waya tin kambenan sushi e inhigienico den cual tin muhernan for di Santo Domingo y Colombia qu kier gana placa. Entre cacho, poeshi, y cabritu e "gajes" aki por scoge e muher di nan predileccion".

Algun detaye interesante a ser splica pa e periodista. Unda el a haña e informacion aki nos no sabi pasobra na final di su promer articulo e mes ta splica qu e no a haña chens pa papia cu Hugo Bakhuis quende tabatin mu-

Dia 27 di Februari pa 5,30 p.m. lo tin un SACRIFICIO DI MISA SOLEM na misa di Santa Filomena na Paradera pa conmemorá e BODA DI ORO di nos estimado majornan

## Juancito i Marianita Lacle-Croes

Tur famia, amigoe i conocirnan ta keda invita pa asisti na e sacrificio di misa aki i despues pa un recepcion den Clubhuis S.C.A. na Paradera di 7,00 pa 9,00 p.m.

Na number di nan juanan: Ovid, Dufi, Sildo, Chal, Chichi, Annie, Eta, Sita, EDDIE, Pina, Mílo i Eve.

Fabor considera esaki como invitacion personal.

cho cos di hasi. E ta compronde esaki perfectamente....

E muhernan na Campo tin cu cumpra cuminda a razon di 6 florin pa dia. Conta cu e lugar tin e bar mas tantu concurre di nos isla cu ta gana 1200 florin pa dia, anto e ta yega na e total di 4000 florin pa dia, minus e gastunan.

Segun Eva Smit, Zielinski a puntra su mes ta di congezaghebber y Bakhuis ta coopera cu otro pa mantene e situacion intolerable aki.

Hotel Washington tambe tabata topico di e combersacion, cual segun nos ta sigui lesa e articulo, ta bira mas tantu un entrevista entre e periodista y Zielinski.

Antes un hende por a dal un cerbes na Hotel Washington, caminda tabatin algun muher di bida alegre y entre algun ex-diputado y hefenan di departamento, tabatin un ambiente agradable. Pero loque a sosode qu nan a serra e hotel, tabata qu algun mariniers Hulandes a haña un enfermedad venereo.

Zielinski tabatin un proposicion interesante: kita e wayanan rond di Campo Alegre, asfaltá e caminda y alquila e casitanan di un manera decente. Invitá comerciantenan pa pone un sucursal na Campo y pone un patrulla policial oficial.

E topico Campo Alegre ta yega na su fin cu un anecdota (veridico?) di un pareha qu tabata biba den un villa den ciudad qu tabata pronk e number "Campo Alegre". Nan mester a cambia number di e villa pa Quinta Bolivia pasobra yen di homber tabata bati na porta anochi!

Jan y Cocky van Oost ta yega na turno awor. Cocky ta ballarina di ballet y Jan ta administrador. Nan tin como 500 alumno y nan tin intencion di instala bañonan Turco tras di nan cas.

Jan van Oost ta come bon y nan cas ta un preciosidad for di unda nan por mira e pelliculanan di Drive-In cu tur tranquilidad.

Segun Eva Smit, Jan van Oost ta atende asuntoan di casá cu amor e interes y ta negligisha completamente e mala lenganan qu ta bisa qu e ta e unico homber qu ta laga su muher traha mientras e mes no ta hasi nada.

Opinion di Jan van Oost riba e Hulandesnan na Corsow ta lo siguiente: "Ta muchu caru pa nan aki nan. Nan no ta gasta nada y ora nan duna algu ta nan bida (de geest geven: Red.)."

LABA? DRYCLEANING?

## 'SUPERCLEANING'

van Galenstraat 4, San Nic. Aruba, tel. 5039 & 5558

Nos ta busca y entrega Bo panjanan, Bachi, carson, camisa, shimis, etc.

PRINS Lollipop  
(na number di C.C.A.)  
**TA INVITA**  
henter puebli di Aruba awenochi di 6-12'or pa OLD MASK PARADE den Oranjestad. Lo tin steelbands, Grupo etc. Tur hende bin jump-up. Cumizando di Trocadero pa Juancho Yrausquin Plein. Kimamento di MOMO. Final di Carnaval 1966.

PEPITA pa cortesia di NEME IMPORT & EXPORT CO. agente di



"E auto cu estilo completo ta bini di FORD



## CISCO KID





**RIP KIRBY**

Agente exclusivo di

**FRIESCHE VLAG**

lechi evaporado y lechi en polvo

pa cortesia di:

**JAN BODEGOM & CO (ARUBA) N.V.**

**MAXWELL HOUSE KOFFIE**




**DICK TRACY**

presenta pa cortesia di:

**VICTORIA BOTTLING COMPANY**

**PEPSI-COLA---SEVEN UP---GRAPETTE-KIST--- VICTORIA SODA WATER--- BUFFALO ROCK--GINGER ALE**






**BUCHI ROBES**

pa cortesia di

**PIET'S SODA FOUNTAIN**

Tel. 2123.

E mihor adres pa snacks, tur clase di dushi, softdrinks, ice-cream y revistas!



MEXICO -- UPI -- Observatorio sismologico oficial di Mexico a registra un serie di cuater terremoto cu a aumenta na intensidad te cu nan a alcanza un grado di 5,5 dje escala Richter, ayera tardi. Epicentro dje temblor a ser localiza algun 360 kilometer na sudoeste.  
Nan a sinti e temblornan aqui na Acapulco y otro ciudadnan pero no a ser anuncia cu tabatin victimanan ni danjonan tampoco.

**VOZ DI ARUBA**

- 5.57 Apertura
- 6.00 Wake up easy (Country music)
- 7.00 Escala en Mejico
- 7.30 Noticias (Papiamento)
- 7.45 Monitor 1325
- 8.15 Noticias (Ingles)
- 8.30 Regalo Musical
- 10.00 Novela
- 10.30 Fantasia Musical
- 12.00 Musica Europea
- 12.15 Noticias (Hulandez)
- 12.30 Noticias (Papiamento)
- 12.45 Melodias Instrumental
- 13.00 Noticias Local (Papiamento)
- 13.15 Artistas Antillanas
- 14.00 Via 10 musical
- 15.45 The chatter platter
- 16.15 Noticias (Ingles)
- 16.30 Complacencias felicitaciones
- 17.00 Ban Econ. Cump. na La Esperanza
- 17.30 Deporte na Marcha
- 17.45 Atardecer Musical

- 19.00 Noticias (Papiamento)
- 19.15 A.B.C. Der Cultuur
- 19.30 Turntable 65
- 20.30 Voz di Aruba Safe Driving Car Club
- 23.00 Clausura.

**RADIO KELKBOOM**

- 07.00 Opening
- 07.02 Bon dia cu Alegria (Instrumental)
- 07.30 Noticia International
- 07.45 Musica Matutino
- 08.00 Seleccion Musical cu disconan Latino Americano.
- 08.30 Cumpleanjos Feliz
- 09.00 Noticia Social
- 09.15 Musica Varia
- 10.00 Noticia International (Tennent's St.)
- 10.15 Ritmo Latino
- 10.30 Programma di N. Habibe Jr.
- 11.00 Noticia Local.
- 11.10 Intermedio Musical.
- 11.15 Musica Antillana
- 11.30 Ritmo Latino
- 12.15 Noticia International
- 12.30 Musica Norte Americana
- 12.45 Noticia Local (Viana).
- 01.00 Musica Varia
- 01.30 Mei ora cu Boleros.
- 02.00 Noticia Local (Resumen)
- 02.10 Cantares di Caribe.
- 02.30 Verzoekplatenprogramma riptitcion
- 03.00 Noticia International.
- 03.15 Programa Juvenil.
- 03.30 Ritmos di Caribe
- 03.45 La Macorisana & International Sup.
- 03.55 Musica cu sabor Azteca.
- 04.30 Noticia Local (Heineken).

- 04.45 Cocktail Musical
- 05.00 Programma di teenagers
- 05.30 Musica Varia
- 06.00 Noticia Deportiva
- 06.15 Musica Varia
- 06.30 Musica para la cena
- 06.45 R.V.D.
- 07.00 Noticia
- 07.15 Musica Hulandes
- 07.45 Musica Norte Americana
- 08.15 Peticion pa telefon
- 09.15 Vuelve el Ayer
- 10.00 Sluiting.

**RADIO ANTILIANA**

- 5.30 Apertura y Oracion
- 5.35 Manianita Arubanas
- 5.45 Melodias di Wild West
- 6.10 News in English
- 6.30 Noticia na Papiamento
- 7.00 News in English
- 7.30 Noticia na Papiamento
- 7.45 Programma di Jule Nieuw
- 8.00 Espacio pa un Ritmo Criollo y un poesia
- 8.10 Variedad Musical
- 8.30 Musica y consejo dedica na tur nos amigonan automobilsta
- 9.00 Noticia na Papiamento
- 9.15 Musica Norte-Americano
- 9.30 Mejico cantando via Radio Antiliana
- 10.00 Intermedio Musical
- 10.10 Noticia na Ingles
- 10.20 Programa di La Macorisana & International Supermarkets
- 10.40 Momento di Ritmo
- 11.00 Tur dia otro programma
- 11.00 Musica Colombiana
- 11.15 Voznan Popular
- 12.00 Oracion di merdia

- 12.03 Seccion Informativo
- 12.20 Noticia na Papiamento
- 12.30 News in English
- 12.45 Capsulas En Orbitas alrededor di Mundo Deportivo
- 1.00 Noticia na Papiamento
- 1.20 Fiesta Calypso
- 3.00 Musica Norte-Americano
- 4.00 La Esperanza y su Obsequio Musical
- 4.30 Variedad Musical en Complacencias
- 5.00 Noticia na Papiamento
- 5.30 Calypso Rama - Budweizer
- 5.45 Musica Chevere
- 6.00 Variedad Musical
- 6.15 Musica Colombiana
- 6.30 Noticia na Papiamento
- 6.45 Variedad Musical
- 7.00 Felicitaciones y Complacencias eticiones
- 7.45 Programa di Jule Nieuw
- 8.00 Programa di Club Bonaireano - Club Surnam
- 8.15 Continuacion di Fel. y Compl. Peticiones
- 8.30 Reddy Kilowatt
- 9.00 Desfile di Exitos
- 10.00 Antioranzas
- 10.30 Imporcion Musical
- 11.00 Melodia y Romance Musical
- 12.00 Clausura

**RADIO VICTORIA**

- 6.00 Apertura & Musica di Banda
- 6.15 E Bigel Habri
- 6.30 Ultimas Noticias
- 6.45 Peticiones

FOR CUMPA ARUBANSE COURANT NA E SIGUIENTE LUGARNAN:

NA ORANJESTAD: BOKHANSDEL MARINKA, PIET SODA FOUNTAIN, REFRESHERIA INGRID

NA SAN NICOLAS: NICOLAS STORE UNION STORE.

- 7.00 La Biblia Aberta
- 7.15 Noticias Español
- 7.25 Llamada a la Conciencia
- 7.30 World News
- 7.45 Christian Emphasis
- 7.50 Bo Musica Favorito
- 8.15 El Camino de Victoria
- Joyas del Hogar
- 8.30 Ultimas Noticias
- 8.45 El Pan de Vida
- 9.00 Mundo Femenino
- Gymnasia
- Joyas del Hogar
- Canta Leo
- 9.15 El Sendero de Vida
- Canticanan di Evangelio
- Corazon a Corazon
- 9.30 Morning Melodies
- 10.00 The Bible For You
- 10.05 Band Music
- 10.15 Organ Melodies
- Thoughts on Home
- Sacred Songs
- Gospel Bells
- Sacred Classics
- 10.30 Through the Bible
- Songs That Touch The Heart
- 11.00 Chapel of the Air
- 11.15 Delicados Pastos
- Canticanan di Evangelio
- 11.30 Melodias di Merdia
- 12.00 Ultimas Noticias
- 12.15 Musica Sagrada y Meditacion
- Sacred Music & Call of Calvary
- 12.30 World News
- 12.45 Quiet Time
- 1.00 Radio Concert Hall
- 2.00 Reading Room
- Hour of Decision (repeat)
- 2.15 Quiet Hour
- 2.30 Dr. Barnhouse and the Bible
- Bible Study Hour
- 3.00 Ensueños Musicales
- 3.30 La Hora Bautista
- Control Central
- Bo Pregunta Contesta
- Prosa Y Poesias
- Vida Nueva
- Titane s de Fe
- 3.45 Academia Cristiana
- Melodias del Alma
- 4.00 Musica di Banda
- 4.15 Ultimas Noticias
- 4.30 Listening Post
- Fun With Music
- 4.45 Sailor Sam
- Muchanan pa Cristo
- Children's Gospel Hour
- Fun With Music
- Music BOX
- Hobentud Pa Cristo
- 5.00 Vertel Uurtje
- Canta Leo
- E Ora Aventuroso
- Melodias del Alma
- Informacion di Gobierno
- 5.15 Palabranan di Bkta
- 5.30 Ecos del Cielo
- La Voz del Evangelio
- 5.45 Musica Sagrada
- 6.00 Nederlands Nieuws
- 6.15 De Groene Weide
- Christelijke Liederen
- Christus tot de Volkeren
- der Aarde Gebracht (herhaling)
- Voor Zijn Glorie
- Windows on Holland
- 6.30 World News
- 6.45 Lago Hour
- Baptist Hour
- Miracles
- Musical Interlude
- Haven of Rest
- Issues in the News
- 7.00 Organ Hymns that Live
- Sacred Songs
- 7.15 Off the Record
- 7.30 Miracles and Melodies
- Bible Time
- Light and Life Hour
- Haven of Rest
- Unshackled
- Showers of Blessing
- 7.45 Psychology for Living
- Look Up and Beyond
- 8.00 Musical Gems
- 8.30 Back tot the Bible
- 9.00 Klassieke Muziek
- 9.15 Daguiting
- 10.00 Sign Off